

# ABREGE

DEUS

## AR VARN GENERAL,

PE AR JUGEAMANT DIVEZA.

Var an ton : *Separation an ine deus ar c'horf, pe un œr sermon.*

SALUD dec'h humblamant a ran, auditoret ;  
Iscus a c'houlennan pa nen don studiet,  
Da ray dec'h eur boquet a deu demeus ar gloar,  
Un abrege tennet deus ar Varn General.

Ar sin demeus ar groas un de a apparisso,  
Pa zeui en fin ar bed Jesus, on guir Otro,  
Evit fouilla ar guer deus a Jerusalem,  
Mèn fel din lavaret on ineo eb quen.

Compagnones santel, vertuus a meulabl,  
Glac'har so em c'halon o tonnet d'o quitat,  
Pa zeuan da sonjal en o fidelite,  
O c'heus bed d'on seleo en duran an tri de.

Mèn voar nen de quet bed eloquant om c'homso,  
Evel ma ve gleet da declami verrio,  
En eur compagnones santel a vertuus :  
Evit an actoret me a c'houlen iscus.

Groed on eus on possubl a laquet on ol boan  
Da essa contanti sperejo pep unan  
Mèn garge e mije sperejo an Eles  
Da gontanti peb-unan herve e volontes.

Mèn voar, assistantet, noc'h quet c'hoas contant :  
En fin peb tragedi voar custom da gaet  
Eur boquet spirituel memeus aon so em c'halon  
N'en don me incapabl a ze en hep fæson.

Tennet e meus dar sort gant ar re savanta :  
Allas ! hac eo digoet gant an ignoranta ;  
Rac se, compagnones, mar deu din bea troublet,  
Ne vo quet dre ma fort, rac se ma iscuset.

Ne on quet cals a dra nac ive studiet  
 Da barlant eur mister vel so din digoueet :  
 Nemerdoc'h , ma Doue , ennoc'h e meus fiars ,  
 Ebars en o c'hano me a ya da gommans.

Speret sacr a santel , prosternet dan daoulin ;  
 M'o pet da rei o cras d'o serviger indign ,  
 Da dont da rapporti ar pes so guirione :  
 A ze omp assuret , guelet vezo un de.

Cheffo deus an illis , da Zoue ministret ,  
 A gant ar re pere ar gouernamant so roet ,  
 A quement a observ lezen ar guir Doue ,  
 Tud dimet , tud yaouancq , ac ive bugale.

Bugale e zomp ol da Grouer ar bed-man ,  
 Deus a ligne Adam ac e briet Eva ,  
 Hep respecti hini na nep sort qualite ,  
 Ol e credan e zomp mempro da un Doue.

Mèn deu da bresanti dec'h ol evit boquet  
 Mab an Tad eternal ebars en fin ar bed ,  
 O tisquen deus an ev ac e groas dirazan ,  
 Da varn ac'hanomp ol ar veac'h divezan.

Mab Doue pehini so deut voar ar bed-man ,  
 Incarnet er Voerc'hes , dre c'hras ar Speret gloan ,  
 A zeui serten un de da varn en general  
 Quement den so er bed , dre eur setans final.

Deut d'en em gonsideri ac e n'em arretet ,  
 Rac ret vo dimp bea net demeus a bec'het ,  
 Pe na antrefomp quet en ev certainamant ;  
 Rac se , me o supli , bevomp honestamant.

Chetu aman ar sujet demeus ma entrepris ;  
 Compagnones santel , bezet ol attantif.  
 Moyen gand graç Doue , me laro pen da-ben  
 Ar signo bras a vezo quent evit fin ar Varn.

Ma ve nin a songfe ebars en on c'halou ,  
 E lequafemp on faon d'ober reflection ,  
 Nin defe da guitat a gren on pec'hejo  
 A da ober pinigen demeus an ol foto.

Pa sonjan em speret dan devoes terrub-se ,  
 E renquan apparissa dirac ar vajeste  
 Deus a Varner ar bed , da rentan cont dean ,  
 Vel ma lavar ar Prophet , gant eston e crenan.

Ar Sent ar re vrassan memeus ar Vartiret  
 En o brassan poannio voant muia tourmantet ,  
 Crenan ra o c'halon o tonet da sonjal  
 En devoes terrub-se deus ar Varn General.

Pa eo gant cals a boan ar re justan salvet ,  
 E me ar Pab Innosant , petra a vezo græt  
 En treomp pec'herrien , en durant on bue  
 On eus ni tremenet o c'hoffansi Doue ?

Breman me laro dec'h , vel m'e prophetiset ,  
 Ar signo a apparisso quent evit fin ar bed ,  
 Me o pet d'o seleo gant humilite a silans :  
 Me ya d'o expliqua ebars en o presans.

An Antechrist a deui ebars en fin ar bed ,  
 Eur map da Lucifer partout evit presec ;  
 Presec rei eul lezen contrel dar guir Doue :  
 An nep nen credo quet a gollo e vue.

Invanti rei poannio evit dont da spontan  
 Ar re na deuiont quet da distrei gantan :  
 Sivoas ! cals a dud , gant spont deus e clevet ,  
 A credo d'e lezen a vezo ol collet.

Ar Prophet Elias , mignon bras da Doue ,  
 A deuio da bresec a enep d'e volonte ,  
 Da gonjuri ar bobl da dere'hel mat dar fe  
 A da soufr ar maro quent renons da Zoue.

Bresel ac ar guernes ac ive ar vocen ,  
 Assambles e vezo an teir goalen o ren ;  
 Ar guernes a vezo quen terrubl er vro-man ,  
 Qu'en a zeui gant famin an dud da disec'han.

Ar goad em goazio e deu d'en em lassa  
 Pa deuan da sonjal en debes terrubl-man ,  
 Rac cals demeus a dud neuse a soueto  
 Gant an trubuillio bras e ve fin d'o deio.

Quement vo en diseurs , betec al loenet mut ,  
 Gant moejo glac'harus a epouvanto dut  
 Ac a laquaï ane da donet da sponta  
 Betec memeusamant an inin hardian.

An eol gant nec'hamant a vezo ecllipset ,  
 Epouvantus dan ol e vezo da voelet ;  
 Ac al loar a vezo quen ru evel ar goat :  
 Honnes a vezo un amser a vo considerabl.

Ar steret a goeo demeus ar firmamant ,  
 Ar mor en fulor , gant un drous epouvant ,  
 A c'hourdrous dre e voes dont da lonqua an douar  
 A quement so ennan ebars en general.

Goude quemen-se tout vo gaelet rapportet  
 An tan demeus en ev gant Doue digasset ,  
 A devo en un instant quement a vo voar ar bed ,  
 Ep respecti netra en poult vesoint devoet.

En eur memeus instand ar bed universel  
 A vo de commandet expres gant un Arc'hel ,  
 Dre an drous an drompill donnet da sortian  
 Demeus o beio evit apparissan.

Sortiet deuz ar be a quitet an douar ,  
 Savet , corfo , a neve , arri eo ar Varn general.  
 Ma vo ret rentan cont en presans o C'hrouer ,  
 Da gonfirman an arret deus ar Varn particulier.

Roue an ol Rouane eo a deu da c'hervel  
 Ar bed antieramant , ep dont da dale pel ,  
 D'e n'em bresanti ol ebars en un droien  
 So hanvet Josaphat , ep laquat quen termen.

Evit expliquan dec'h an het ac al lec'het  
 So en droien-man , Josaphat eo hanvet ,  
 Pemb cant pas het , tri c'hant a ledander  
 So bars en droien-man , ar scritur a vere scler.

Ebars en droien-man e voeler a hirie  
 Ar form eur gador ven , el lerc'h guesal ma voe  
 Roet enni ar setans pa voean condanvet ,  
 Voar venes Golgota e voe expediet.

Ar maro a deu breman da bresanti sevel ,  
 Trubillet gant esclam , o clevet moes an Ell  
 Pini a vo clevet dre'r bed antieramant ,  
 Bete peuns an ifern , bras en creis an tourmant.

Eur brut an terrubplan pini a lar dime  
 Dont da n'em unissan breman gand ma Doue ,  
 En despet did eo ret donnet da sortian :  
 Crenan a ran gaud eston o tont d'apparissan.

Dirac an daoulagat deus a Varner ar bed  
 Ar mor ac an douar ol en neus-ing formet ;  
 An ol astro en er , ar steret ac al loar ,  
 An eol er firmamant , ol e maint en glac'har.

Ar mor en un istant a rento ar c'horfo  
 A so enni beuzet , tout en o c'hassamblo.  
 Ac an douar ive quement so interret  
 Ennan , aboe ma seo gant un Doue crouet.

Evit o assembli en troien Josaphat ,  
 Tud santel , pec'herrien , a tud a heb sort stat ,  
 Da c'hortos ar Barner da zisqen deus an ev  
 Da jugi pepini herve stat e vue.

O Doue ! ma breuder, heman vo un devoes  
 Ma comprenfemp ennan nin na bec'hemp james ,  
 O voelet separi an eil deus eguile  
 Gant un Ell tout expres , dre ordrenans Doue.

En tu deo a vo laquet ar c'horfo triumphant ,  
 Brillantoc'h vit an eol gant e air eclatant ,  
 A neuse en tu clei e vo ar bec'herrien  
 Tefaloc'h evit an nos gant e zefaligen.

Hennes vo , ma breuder, ar separation  
 A laquai ar pec'her en desolation ,  
 Mantret gant ar glac'har o voelet en deus bet  
 Grasso digant Doue ac e neus negliget.

Malheur dimp , e meze , chetu ni er voes-man ,  
 Arri eo an termen n'ellomp mui resistan ,  
 Ma veomp condanvet het an eternite  
 Dar flamo devorant gant guir vap un Doue.

Chetu ar re a moamp evite meprisans  
 En tu deo laquet ebars en assurans ;  
 Nin , o fiout re er bed ac en e vanite  
 O caet re a estim vit ar mondanite.

Meneio deus ar bed deut d'en eum digueri ,  
 Garecq queet voarnomp vit on assommi ;  
 A te , maro greveus , deus d'on aneantissa ,  
 D'on laquat en ludu ma c'hesomp da netra.

Neuse e tisquenno ar Barner deus an ev ,  
 Ac e accompagnet gant un nombr a Elle ,  
 A Sent , a Santeset , Prophetet , Ebestel ,  
 Sperejo evurus a nombr a Dud santel.

Aviset , Christenien , sellet deus ar pentur  
 Ar poltret a Jesus , Salver a Redempteur ,  
 O tisquen deus an ev er bed voar eur goabren ,  
 Evit donet da varn an oll universel.

Chetu , ma breudeur, ar boquet agreabl  
 Am boa hirrie an de da laquat dirac o taoulagad :  
 Me o pet gant humilite da donnet d'en compren ,  
 En anno Jesus-Christ , ar Barner souveren.

Ol fleurio ar bed deus an douar a sev ,  
 Mes homan , ma Breuder, a deu demeus an ev ;  
 Rac se , me a c'houlén , pa oc'h en o silans ,  
 A c'houi so preparet a pur a gonsians.

Evit dont da reserv eur boquet quen divin ,  
 Pa jonjomp neubcutan on boan evit fin ,  
 Pa zeuio ar maro , ar fin deus on bue ,  
 Rac entre e saousorn e rentfomp hon ine.

Rac se , compagnones , men deu d'o suplian  
 Da regli o pue en queit a ma veet voar ar bed-man :  
 Ar maro so subtil ac o dosta bopret  
 A soupren cals a dut ac a ve en yec'het.

Mèn deu d'o conjuri en ano ar guir Doue ,  
 Dont da laquaat urs vat ebars en o c'hine ,  
 Rac ar Varn General na rei nemet confirman  
 An aret a recefomp en on eur divezan.

Me garre caet eur voes a ve quen eclatant  
 Ma c'halfe clewet partout dre ar firmamant ;  
 Mèn a avertisse ar bop ebars en general  
 Da netaat o c'housians a ben an de final.

Jeremy ar Prophet guejal a lamante  
 Voar guer Jerusalem a partout en Judee ,  
 Pa voele dorn a coler demeus an Eternel  
 Prest d'o reduisan , d'o laquaat en miser.

Mèn a ra dec'h ive ar memeus avertissamant  
 Da n'em brepari ol voar ben ar jugamant  
 Ma c'helfomp gant fians dont da apparissan  
 A neuse en tu deo donnet de n'em blassan.

Breman me a expliquo dec'h vel ma eo marquet scler  
 Gant an tado santel el lezen ancien ,  
 Ar setans redoutabl a vezo prononcet  
 Gant mab an Eternel ebars er fin ar bet.

Evel ma vo ar Barner aseet , vo guelet scleramant  
 Ar pec'hejo cuset , neuse memeusamant  
 E vezo gant rigueur venget deus aneze ,  
 Ep respecti nicun , mèn a bromet dec'h se.

Peb bini a renquo en de se perillus  
 Respont a renta cont en presans on Jesus ,  
 Produet vo ar grasso a juget pep hini  
 Dar joa pe dar flamo het an eternite.

Perset vo ar c'hrimou en rigneur ar justis ,  
 Examinet or foto , mezuret ar valis ,  
 Trempan rei e goler en goad ar pec'herrien ,  
 Se a rei d'e lisqui bars en tan an ifern.

Ar monstr bras Lucifer, souveren an infern ,  
 N'em bresanto eno a gantan e gac'hier,  
 Pini a rento preuv a gement a neus groet  
 Enep an decq gourc'hemen a so dimp commandet.

Chettu ase ma c'hac'hier, Barner ar virione ;  
 Examinet breman ar stat deus e vue :  
 Ne c'houlennan netra ma ne neus din gleet ;  
 Autre o couir dec'h , ma hini din dre droiet.

O Jesus , ma breuder, pebeus debes redoutet !  
 Guelet an Elle memeus , tout int epouvantet ,  
 Ac an ini so en ifern ar muian sur pluget  
 Dirac ar Barner bras a deuo da bresec.

Ar Voerc'hes glorius a benignet meurbet  
 A vo enno neuse ac e daou dorn juntet ,  
 A hi prest da glevet rei ar setans divezan  
 Da ol ligne Adam , comprenet p'o pedan.

Da guentan ar Barner gant eur vijag joaus ,  
 O tistrei en tu deo eus ar re evurus ,  
 Dre gomso familier deze e lavaro :  
 Deut , tud biniguet , deut gane dan evo.

C'houi so bet en o pue guir jervigerien vat ,  
 Queit a ma voac'h er bed , a dime a dam Zad ;  
 Evit o recompans e veet curunet  
 Breman ebars er gloar, en pates an Dreindet.

En andret ar bevien c'houi so bet charitabl ,  
 Roet d'e an aluzen demeus a galon vat ,  
 Ous o naon o poa bet roet de da zibri ,  
 A roet de diliat vit en em soulagi.

O tistrei en tu clei e parlant evellen ,  
 Herve raport ar scritur ous al lezen ancien :  
 Me zo a neve deus an ev disquennet ,  
 Souffret poan evidoc'h ma vijac'h bet salvet.

Souffret em boa ive maro a passion ,  
 Exposet en eur groas da baea or ranson :  
 Ma vijac'h bet fidel da huil ma gourc'hemen  
 E vijac'h curunet en ev evit biquen.

Roet em boa en o toes ma Fredicatoret ,  
 Covesourien santel a ma guir vignonet ,  
 Da gaet an absolven demeus o pec'hejo ,  
 Pa deujac'h do c'haet gant quun en o calono.

Touer blasfemateur deus ma c'hano santel ,  
 En durant da vue den barbar a cruel ,  
 A te o c'hout un de a c'harige  
 E renjes rentan cont e presans un Doue.

Transgresset e teus bet ma ol gourc'hemenno  
 O tont da vomissa dre goler blasfemo ,  
 Ous pen e c'hout bet c'hoas guel exempl es pue ,  
 O sacri mallojo dirac tud da gontre.

Usulier miliguët , pelec'h e man ar gaj-se  
 Deus ar mado as poa bet , lavar brema dime ?  
 Den lach , den yen deus a galon en andret ar bevien ,  
 O tont da rapinet digante o moyen.

Mèn so bet e ty alies quen affliget  
 En personag ar paour o clasq ma samiq boet ;  
 Te teus bet ar galon da dont d'am refusi :  
 Deus da anaon breman me deu de n'em venji.

Tud pinvidic , me o ped , sonjet en quemen-man :  
 En silans un Doue , de ar Varn divezan ,  
 Enep an dud ingrat ac an usullerien  
 A refus o mado da souten ar bevien.

Den lubric milliguët , rent din brema cont ,  
 Gant da actione-te voa buan a pront ,  
 Da glasq ar plasso secret da dont da gommetti  
 Hueil da bassion vil evit dont da bec'hi.

Te a jonge dide den ne vouige biquen  
 Netra a guemen-se deus an nep a voa o ren ,  
 Mes breman ar bed ol a voel da bec'hejo ,  
 Evit da recompans te souffro ar poanio.

Den gourmant obstinet , te garie ar cheriou mat ,  
 Pillier hosteleri , a te o c'hout er fat  
 Penos ar gourmandis a voa eur pec'het marvvel  
 A vige punisset dre ar poannio cruel.



Bars en hosteleri enno e voa da blas ,  
 O tibri , o c'hefa , memens en deio bras ,  
 Pere a moa consacret evit ma šervigi :  
 Te teus ing impliet evit dont da bec'hi.

Mes arri eo an de na elles mui tec'hel ;  
 Mèn venjo ac'hanout breman , den criminel ;  
 Elec'h da cherio mat te po naon a sec'het ,  
 Te a soufro poanio a vezo diremet.

Tud lach a diegus da sont d'am serviji ,  
 A herve ma lezen manquet da n'em regli ,  
 Da c'heuil an offiso pere m'oa commandet ;  
 Guel voa ganet c'heuil an danso miliguet.

Tud yaouanq , me o pet , sonjet en quemem-man ,  
 C'hui gar ah ebato , eno man o c'hol joa :  
 C'houillet o quouspero ive o c'hofern bret ,  
 Lest an assambleo pere so difennet.

Rac profani ar sul consacret da Doue ,  
 Unan ar seis pec'het marvel eo ar re ze :  
 En de se , de ar Varn e veet condaonet  
 Evit soufr ar poannio a vezo diremet.

Ar seis pec'het marvel ar re ze eo ar pinno  
 Pere a gas an dud dreize an ifernio ,  
 Rac-se mo supplian balamour da Doue  
 Da ober pinigen a chang deus a xue.

Goude ar reproch-man gret gant guir Doue  
 A enep ar bec'herrien , e prononso goude  
 Ar setans redoutabl gant un er golerus :  
 Pelled divoui-me breman , c'hui ol dud malurus.

AR BEC'HERRIEN.

Pellec'h eta , Barner , e vezom exilet  
 Dre an arret o c'heus n'on enep prononcel ;  
 En pes corn deus ar bed e vezo on prison ,  
 P'an d'e c'hui a gommant dimp-ni , Barner guirion ?

DOUE.

O prison a vezo en creis fons an douar ,  
 En eur plas na voellet nac an eol nac al loar ,  
 A n'o pezo enno a nep sort sclerigen  
 Nemert an nos antier , leun a defaligen.

AR BEC'HERRIEN.

Pe sort poan a soufrom eno ta , ma Doue ,  
 Pa omp forbaniset dirac o majeste ?

Tec'hel deus o presans a so dimp eur boan vras ,  
A bea exilet a dirac demeus o pisach.

DOUE.

Ar poannio a souffret n'o pezo quen partach ;  
An tan deus an ifern a vo ho heritach ;  
Ar mel en o c'hesquern a deuio da virvouï ,  
Gant ar riguer deus an tan o dounet d'o devouïr.

A n'o pezo enne quen boet n'a quen breuvaj  
Nemert naon a zec'het en creis ar poannio bras ,  
Gand an anprefanet , sourdet a touseget ,  
Gand erret furius en tan-se devoret.

AR BEC'HERRIEN.

Mes , Barnes souverèn , p'an de ret dimp soufr poan ,  
Dre eur setans prononcet devouï ebars en tan ;  
Da vianna eta na vezo fin abet  
Goude un nombr blàvejo er poannio diremet.

DOUE.

Nan , biquen na finis o poan nac o c'hanquen ,  
Entre vo tri ferson en un Doue o ren :  
Eternel e vezo o poan ac o tourmant ,  
A viquen e chompfet en tan se languissant.

AR BEC'HERRIEN.

Penos eta , Barner , chom biquen da lisquin  
En creis an tan ardant ep dont da gonsommi !  
Dre ar riguer deus an tan c'hellom bean devoet ,  
Hep dale pel amser bars en ludu rentet.

DOUE.

Biquen na gonsomfet hed an eternite ,  
Bopret veet en o spes o souffr ar poannio-se ,  
Chom a refet antier en tan-se languissant ,  
Hep ma teui da verrat eur momet o tourmant.

Pebeus eston a cri na oufe den compren  
A rei an ineo a ielo dan ifern ,  
O laret adieu d'ar Voerc'hes a de Mab ,  
Cri e vo ar galon ma na deu da dristat.

AR BEC'HERRIEN.

Adieu eta , Jesus , grand eur voes lamentabl !  
Adieu ta evit biquen , n'en oc'h pelloc'h on Tad  
Dre an arret o c'heus n'on enep prononcet ,  
Adieu ta evit biquen , red vo bean danvnet.

Adieu , Guerc'hes Vari , Rouanes deus ar gloar ,  
Adieu , ni renq monet da gomans on glac'har !

C'houi a voa evidom bopred avocades  
Ma vigemp bet fidel d'o pedi , Rouanes.

Adieu dec'h ol , Sent demeus ar barados ,  
C'hui ya breman dar gloar, dar pales , dar repos ,  
A nin na nomb biquen nemert poannio sanglant ,  
Hep caet eur momet deus a soulajamant.

Adieu dec'h , tensor caer deus ar gloar eternal ,  
Nin on eus o collet dre ar pec'het marvel :  
Malheur dimp ni biscoas ma voamp ni deut er bet ,  
Pa eo ret dimp disquen en ifern diremet.

Chetu aze ar portret deus ar Varn divezan ,  
A ario un de pa sonjomp nebutan :  
Na eller quet doeti anez renons dar feis  
Pa eo guir eo laret dre hano un Doue.

Jesus , Roue ar gloar, c'hui vo ta ar Barner ;  
Nin o pet da rei dimp grasso particulier,  
Da chanch deus a vue quent mont divoar ar bet  
A da ober pinigen demeus on ol pec'het.

Guerc'hes glorius Vari , Rouanes an Elles ,  
Nin o ped da sellet ouzomp deus a druez ;  
Bed evidomp bopret avocades fidel ,  
Procuret ma c'hefomp dar joaio eternal.

O Sent a Sentezet , mignonet da Zoue ,  
Intercedet evidomp dirac e vajeste ,  
Evit ma momp ar c'hras uu de da n'em voelet  
Ebars er Barados , en pales an Dreindet.

Adieu , compagnones , me deu da c'houl iscus  
Diganech'ha assambles ha digant va Jesus ,  
O requeti dimp ol demeus a galon vat  
Ma veomp eu tu deo en troien Josaphat.

Birviquen , m'en assur, an avantach n'on ho  
Da n'em gaet assambles quen a veso enno :  
Adieu a laran dec'h , dre eur guir garante ,  
Men o souet dec'h ol ar pecc'h a beurs Doue.

Ar peoc'h , an union , hennes eo ar fleuren  
So ral en amser-man en mescq ar Gristenien ;  
Nemert leodouet a detractiono ,  
Lec'h ma queret , en quer, er paroujo.

An detraction , ar guel deot miliget ,  
A laqua desunion partout ebars er bet ,  
Dre ma ze un arme bulumus en ifern blerumet ,  
D'e dispen a bejo on Salver biniguët.

Cousquoude , ma breudeur , ma raemp reflection  
 Voar an dec goure'hemen a roas Roue an tron  
 Dar prophet Moïsas , voar diou dolen ven taillet ,  
 Ebars en tentur aour hi a voa raportet.

Ar guentan taulen a gommant caret Roue ar gloar  
 Dreist quement tra a so crouet voar an douar ,  
 An eil a gomant dimp ol e n'em garet  
 Pa omp dre memeus goat gant Doue unisset.

Mes en plas ar modesti gant Satan so laquet  
 Evit decora coms al leon miliguët ,  
 Evel ar faltesto a enep or Salver  
 Eus en accus gueajal dirac Pilat Barner.

M'en deu da taret dec'h evel sant Ian Badeour ,  
 O coms deus faltesto Herodes , den traïtour :  
 Linguam andeamsam Judea Dominus ,  
 Teulet plai , Christenien , rac ar Barner so just.

Allas ! ma breudeur ques , mar quaremp ni compren  
 On bue er bed-man ne nemet un tremenaden ,  
 O sonjal alies bars en eternite ,  
 Pehini a bado entre ma vo Doue.

Diou eternite so , unan so ventuus  
 Ac e so preparat vit ar re evurus ,  
 Pere o devo heuillet an Aviel ,  
 O tont da bratiquan ar vertuio santel.

Allas ! un al so glac'harus da gompren ,  
 Bean da viquen danvnet en creis puns an ifern ,  
 Sonjet en se bemde , liessan ma c'hellet ;  
 Tourmant so en eur plas , en un al joaustet.

Divoar an teat-man me deu da remerqui  
 An dut a bep quartier deus en em assembli ,  
 Evit retorn ac'han pepini d'e gontre :  
 Doue d'ho conduo bopret dre hent an ev.

Evit pa veomp er pors a salutation ,  
 O possedi on heritach en pales Roue an tron ,  
 Ma torfomp on sec'het er feunteun a vue  
 A desiran dimp ol dre eur guir garante.

Da bep tra tout so fin nemert da c'hras Doue ,  
 Rac se , compagnones , men gemer ma c'honge ,  
 O soueti dimp ol ar gloar selestiel ,  
 En ano an Tad , ar Mab ac ar Speret-Santel.